



PRIMEIRO MINISTRO

**DISKURSU
SUA ESELÊNSIA PRIMEIRU-MINISTRU
DR. RUI MARIA DE ARAÚJO
IHA OKASIAUN BA SESAUN ABERTURA
XX REUNIAUN ORDINÁRIA KONSELLU MINISTRUS
CPLP**

“Vizaun Estratégica foun CPLP nian”

**Salaun Nobre Ministériu Negósius Estrangeiros no
Koperasaun, Díli
Loron 24 fulan Jullu tinan 2015**

Suas Eselênsias

Señores Ministrus Negósius Estranjeirus no Relasoens esternas Eatadu
MembrusCPLP no Representantes
Dr. José Ramos-Horta, ex-Prezidente Repúblika no Prémio Nobel da Paz
Dr. Francisco Lu-Olo, ex-Prezidente Parlamentu Nasional
Señor Sekretáriu Ezekutivu CPLP
Kolega Membrus Governu hotu

Ex.mus. Senñoras no Señores

Membrus Delagasoens Estadu-Membrus no Sekretariado EzekutivumCPLP nian
Representantes Observadores Asosiadus CPLP nian
Representantes Corpo Diplomátiku sira

Señoras no señores,

Benvindu mai Timor-Leste! Hanesan timor oan, sente haksolok wainhira ami bele halibur iha ami nia rain iha Reuniaun Ordinára Konsellu Ministrus CPLP ba XX. Ho amizade no fraternidade boot maka ami simu representantes país maun alin no Observadores ita nia komunidade, tempu di'ak ne'ebé halibur hamutuk hodi koalia kona ba "Vizaun Estratégika CPLP", ne'ebé hatur metin ona iha prinsípius, valores no lasus ne'eb'e halibur ita.

Hanesan Komunidade Paízes ne'eb'e koalia lian Portuges, iha semana ida liu ba ita komemora tinan ba 19. Ita sente ksolok tebes wainhira entidade barak husi ita nia komunidade maka halibur iha Timor-Leste, hodi nune'e hamutuk hala'o diáolgu, sai hanesan previléjio ida hodi bele hetan dalan foun ba oin.

Ami rekoñese katak sai estraňu uitoan bainhira Timor-Leste hili Primeiru Ministro hato'o nia lia fuan iha Reuniaun Estraordinária iha Konsellu Ministrus ida ne'e. Nu'udar babain la'os hanesan ne'e. Maibé, tanba haré ba ita nia komunidade no sira nia futuru, ba Komunidade ne'eb'e representante rai hirak ne'ebé partillha iha istória ida deit, valor lian dale hanesan, no Timor Leste asumi Presidênsia *pro tempore*, ita labele lao dalan seluk. Ami fo onra boot ba iha tinan ida ne'ebé ita komemora tinan 500 liu ba, sorumutu dahuluk portugezes ho timor oan sira.

Ho kontaktu sira ne'e hotu, maka fo determinasaun no desizaun hodi hatudu ita nia identidade no autodeterminasaun, hodi kontribui ba ita nia istória no fó koñese ba ita nia povu, sai ona hanesan géneze hodi hatudu saida maka agora ita hala'o.

Ami hotu hatene katak, ami nia luta ba independênsia iha mós kontribuisaun luta husi Paízes CPLP nian. Ita hotu hatene katak CPLP hanesan komunidade ida ne'ebé mai husi hun ida, hun ida ne'ebé hodi halibur, laiha rezerva ida, husi Estadu no povu hotu hotu CPLP nian, ne'ebé ohin loron ita hanaran "maun alin". Nune'e maka ita hatene no rekoñese importânsia familia CPLP nian.

Eselênsia
Señoras no Señores

Ita mós tenki rekoñese valor sira ne'ebé liu tioha ona, maibé ita presiza aproveita no bele konsege transforma fali ba iha futuru!

Agora dadaun ita moris iha mundu ne'ebé globalizadu ona, mundu ne'ebé kontinua iha mudansa nafatin no dezafiu barak iha ita nia oin. Nune'e maka sai fundamental tebes, atu ita CPLP, akompaña ritimu ida ne'e nafatin no halo reflesaun ba buat sira ne'ebé maka ita hakarak ba futuru ita nia Komunidade no ita nia povu sira nian.

Wainhira Timor-Leste hili tema “CPLP no Globalizasaun”, sai hanesan tema wainhira simu Prezidensia *pro tempore*, hodi fó atensaun ba komunidade sira hotu kona ba dinâmika estratéjika, política no ekonomia. Nune'e hodi fo hanoin ba CPLP katak Timor-Leste sai hanesan plataforma ida bs dezenvolvimentu ita nia povu sira nian, iha pozisaun geoestratéjika, hodi bele harii sinérjias oin oin ho parserias iha kontinente aziátiku, ne'ebé iha potensia ekonómika boot.

Ho globalizasaun ne'ebé maka halo diminuisaun ba iha fronteiras, favorese duni hodi bele halo alargamentu ba iha merkadu, estabelese di'ak liu tan parserias multilaterais no haboot liu tan atividades ekonómikas no emprezariais, hodi nune'e permiti hasae trazasoens ne'ebé proporsiona dezenvolvimentu ekonómiku, hodi nune'e bele melloria kondisaun vida populasaun sira nian.

Ohin loron iha organizasaun barak iha paízes sira oin oin, atu nune'e forma blokus ne'ebé reprezenta interesse no aspirasaun hanesan, hodi nune'e hodi bele sai hanesan organizasaun ne'ebé metin. CPLP hafahe an ba iha kontinente hat, komunidade sira ne'ebé halibur paízes liu husi lasus istórikus no kulturais, valores, intereses ho dalen ida ne'ebé ida deit. Ita mós iha esperiênsia iha nível koperasaun ne'ebé boot, nu'udar paízes maun alin, halo ita iha interesse ekonómiku no hala'o negósiu hamutuk, hodi nune'e bele distinge ita ho rai seluk seluk.

Nune'e maka CPLP, labele nonok no tenke hamriik metin ba iha mundu ne'ebé evoluidu makaas. Ita labele kontinua moris tuir ita nia lalaok, hodi nune'e ita bele aproveita konjuntura internasional ne'e no hodi labele lakon oportunidades ne'ebé bele benefisia ita. Krusial duni hasai vantajem husi interesse komum no dezenvolve konsertasaun político-diplomátku hodi prevelejia fortalecimento relasoens bilaterais no multilaterais entre Estadu sira hotu. Aproveita, iha oportunidade ida ne'e kongratula inisiativa inauguraun reprezentasaun CPLP nian iha Timor-Leste, ne'ebé sei hametin liu tan relasaun ho ami nia rain, liu liu ho organizasaun internasional sira, iha rejiaun ida ida nian.

CPLP hanesan plataforma diak ida ba ita, rai sira ne'ebé ho dalen portuguesa, hodi proporsiona iha *fora* internacionais, hanesan ONU no sira nia ajensias, iha rejionais hanesan SADC, CEDEO, MERCOSUL, Uniaun Europeia no ASEAN. Ne'e sai hanesan oportunidade ba ita hotu hotu nia país hodi halo parte ba dalan hodi bele alkansa dezenvolvimentu, iha altura ne'ebé maka muttu tomak atravesa krise finanseira ne'ebé boot.

Eselênsias
Señoras e Señores

Ita presza iha estratejia foun ida hodi kosolida ita, hodi bele proteje CPLP hotu hotu, hodi hakat liu interese Estadu-Membru ida idak, hodi nune bele hetan espasu iha nível mundial. Estratejia ida ne'ebé bele kontempla medidas hodi konkore ba objetivu ida ne'e. Ita presiza iha ajenda ida ne'ebé komum, ajenda ida ne'ebé hotu hotu iha interese, hodi nune ita bele dezenvolve iha áreas estratégikas.

Dinâmika mundial ida ne'e labele deskarateriza ita husi ita nia istória, ita nia kultura, liu liu ita nia valores ho ita nia dalen, partikularidade sira ne'ebé distinge ita husi organizasaun sira seluk, hodi fo ba ita kariz inovador ida. Ho internasionalizasaun lian portugesa, sai hanesan lian servisu nian iha Nasoens Unidas ho organizasaun internasional sira seluk, bele sai hanesan objetivu vinkadu ida iha ita nia política.

Ita bele kanaliza ho ita nia marka ida ne'e hodi potensializa koperasaun interna, esterna no multilateral, hodi bele fo apoiu ba solidariedade konjunta iha kazu hanesan kalamidades naturais, la'os deit iha ita nia komunidade laran maibé iha nível internasional, hodi nune'e bele prevene situasaun krize político-militar, hodi promove paz no estabilidade, promove valores demokrasia nian, diálogu, inkluzau no paz sosial.

Hanesan kombate hasoru hamlaha, ne'e ita hotu hotu nia problema; defende ita nia tasi laran no prezervasaun rekursus ita nia tasi, ne'e hanesan kestaun soberania no sobrevivênsia Estadu hotu hotu nian; Turismu buat ne'ebé esensial hodi bele gere dinâmika ita nia ekonomia ne'ebé hakarak atu diversifika liu tan; envolvimentu Sosiedade Civil sira nian, sai hanesan sosiedade plural no parseiru Governu hotu hotu nian, ne'ebé iha semana liu ba ita asiste aprovasaun estatutu Forum Sosiedade Civil CPLP nian iha sala ida ne'e.

Iha lidun seluk, ita bele hateten katak, hamutuk ita sai hanesan sétimo produtor mina rai no gás iha mundu tomak, iha kontestu política energética no potensial iha ita nia país tomak. Nune'e maka Timor-Leste iha Simeira Xefe Estadu no Governu ba dala X no foin dadauk iha Reuniaun Ministro Enerjia CPLP nian ba I, lansa proposta hodi kria konsorsiu emprezas idrokarbonetos ba Estadu-Membrus, hodi nune'e atu sertifika riku soin ita nia rekurus naturais hodi bele fó benefísiu ba ita nia rain.

Nune'e mós ba ita nia povu, hanesan eixu ba ita nia CPLP, tenke fo enfaze fortaleimentu koperasaun ba dezenvolvimentu. Ita tenke hametin liu tan dezenvolvimentu ekonómiku no espiritu epreendedor, liu husi parserias koperasaun bilateral, multilateral no emprezarial hodi bele lori dinâmika ekonómika foun ida.

Tanba ne'e maka ita tenke hatene aproveita Konfederasaun Emprezarial CPLP nian ho inisiativa Forum Ekonómiku Global, ne'ebé sei realiza iha tinan ida ne'e. Sira hotu dinamiza koperasaun emprezarial, iha kontinente hat nia laran, fo forsa ba iha setor privadu, nune'e liu husi komunidade, estabelese parserias ho organizasaun regional sira seluk.

Eselênsias
Señoras e Señores

Ho mobilidade ema nian ne'e maka hamosu globalizasaun. Ita mós hatene katak sirkulasaun mundu tomak nian sa'e makaas, hodi nune'e halo aprosimasaun liu tan povu sira hotu nian ho kultura, liu dezenvolvimentu ekonómiku no kontribui mós ba enrikesimentu ema ida idak nian.

Rekoñese importansia mobilizasaun ema nian husi Estadus-Membrus CPLP, iha Deklarasaun Díli, iha tinan 2014, rekomenda atu halo avaliasaun ba implementasaun Akordu Vistu Múltiplas Entradas ba *Determinadas Categorias de Pessoas*, ne'ebé prvista tiha ona iha *Acordos de Brasília*.

Ne'e faktu ida ne'ebé merese hotu hotu nia empeñu, ba kontributu ne'ebé imprime kresimentu no dezenvolvimentu ita hotu nia rain no sosiedade. Ita hotu hatene katak mobilidade hanesan vertente ida ne'ebé boot no kempleksa. Nune'e, maka propoen atu ba dala uluk halao "mobilidade seletiva", ne'ebé bele hala'o liu husi meius sira ne'ebé iha ona, nune'e husi motivus profisionais, saúde ka akadémikus, bele sirkula liu husi forma fasilitada.

Mobilidade entre ita nia Estadu krusial hodi promove kompreensaun, troka ideias, dezenvolvimentu ekonómiku no pesoal, no fortalese lasu entre ita nia povu. Nune'e mós hodi promove sentimento katak pertense mós ba Komunidade, hodi kontribui ba respeitu, demokrasia, liberdade, igualdade no direitus umanus.

Diversidade ida ne'e halo ita bele sente katak CPLP la'os organizasaun Estadus sira nian maibé povu sira nian hotu.

Eselênsias
Señoras e Señores

Ohin loron ida ne'ebé importante ba ita nia Komunidade no ba ita nia povu. Vizaun estratéjika ne'ebé sei diskuti iha ne'e, lori dinâmika foun ida no reforsa vontade atu servisu di'ak liu tan ba futuru ida ne'ebé di'ak liu ba ita nia povu, hamosu tan oportunidade ida hodi promove sira nia dezenvolvimentu.

Hau hein katak servisu sira ne'ebé atu hala'o, baseia ba espíritu amizade no fraternidade ne'ebé karateriza ita, sai hanesan susesu boot ida ba ita. Ba imi hotu hau nia ksolok!

Dr. Rui Maria de Araújo
24 de julho de 2015